



ル 5  
3123  
2





門 儿 呂 8  
號 1375  
卷 2

門 儿 5  
號 3123  
卷 又



西藏圖考卷之三

楚南黃沛翹壽菩甫手輯

滇南李培榮華廷甫付梓

河間李文江蓉航甫同校  
楚南李宏年壽廷

西藏程站考 詩附

雍正五年副都統鄂齊內閣學士班第四川提督周  
瑛於巴塘之西察木多之東勘定疆界立界碑於南  
墩之甯靜山山以東屬巴塘山以西屬藏地其由南  
墩西行一百四十里之江卡爲入藏門戶故敘藏程  
自江卡始其地名里數皆以西域志爲主各部紀載



有不同者一一加注於下以資行路者之考證焉

江卡五十里山根尖七十黎樹宿計程一百二十里

江卡半隅平坦為藏鑪大道係巴塘乍丫之中途亦達拉宗希桑昂邦拉籠春朋官角等處之捷徑也向隸青海雍正元年分隸西藏後以窮番偷劫分駐守備一員把總二員外委一員設兵巡查防守焉其疆域東至邦木甯靜山界一百九十里西至阿尼山界三百十里有漢人寺在南墩每年七月巴察二地客民皆雲集貿易如內地廟會

江卡行四十里過湫河十里至山根上大雪山終年

積雪即盛夏亦涼颼刺骨復越小山上七十里至

黎樹一作力黍按黎樹至有人戶柴草塘舖換烏拉

王我師谷黍詩踏破層冰敢憚寒惟憐將士怯衣單

楊揆黎樹山詩山靈不容人作勢有餘怒但聞人聲

莽鹵攀援乍升巔屏息視步武俄焉雲蓬蓬礮石肆

崖吐驟傾萬斛珠殷空雜鈺鼓蜥蜴紛閃屍破石肆

飛舞揭來偶假道惡劇亦何王我師江卡詩不憎山

苦倏忽過前峯晴曦正卓午王我師江卡詩逼面端

卒雪盈眸望日殊為遠殷心似解愁僧房停戍

黎樹五十里阿拉塘尖六十石板溝宿計程一百十里

黎樹過漫坡樹木環映五十里至阿拉塘一作阿窄

拉有人戶柴草換烏拉番人頗刁頑不馴又過小雪



山二高下迂折六十里至石板溝有人戶柴草駐防塘舖有頭人供給差役

王我師阿布拉詩

獨木為梯土作樓層層低壓暗雲頭牛羊氣觸煎茶竈猿鳥聲連念

佛喉坐對晚山風烈烈起看殘月雪淨浮因知極樂西方界混俗和光聚一邱

王我師石板

溝詩

山環樹接亂雲鋪水盡雲飛山亦孤遙望爨煙山色裏崎嶇無路可奔趨

石板溝

八十

阿足塘宿

石板溝西南行過大山二寒輝騰耀射目迷離上下

無可駐足行人裹糧而前八十里至阿足塘

一作屬

足魯蠻性難馴頗稱狡猾有駐防塘舖有頭人給役

王我師阿足詩

盡日山中未有涯更憐宿處野人家捧來酥酪灰凝面馬糞鑪頭細煮茶

阿足塘

五十

歌二塘尖

五十

洛加宗宿計程一百里

阿足塘過漫山二阿足河一水勢洶湧五十里至歌

二塘

一作噶爾

經平川二十里上山三十里路最險

至洛加宗

一作谷

有塘舖頭人供給烏拉

王我師洛加宗詩

嶺高懸月小澗窄受風長樹樹留殘雪人人怯早霜預愁棲宿苦

念起行忙已到乍

洛加宗

四十

俄倫多尖

四十

乍宿計程八十里

洛加宗沿溝而上傍山行路紆曲稍平第偏仄多偏

橋四十里過木橋至俄倫多

一作臥

有柴草人戶復

西南行四十里至乍有寺院礪房柴草駐防塘舖



換烏拉此地番民習性桀驁駕馭亦復不易

乍丫三十里雨撒尖六十里昂地宿計程九十五里

乍丫在江卡西南即會典圖註之札雅廟也昔為闡

教正副胡土克圖掌管胡土克圖唐古特語不迷性之謂一作胡圖克圖一作呼

圖克圖皆音相近也康熙五十八年大兵定藏之後

頒給胡土克圖印信係闡講黃教那門汗之印清字蒙古字

唐古特字三樣篆文正胡土克圖住坐乍丫寺院副

胡土克圖住坐卡撒頂寺院設有守備一員把總二

員外委二員分駐塘汛其疆域東至阿足塘界一百

七十里西至八貢塘界三百四十里南至擦哇岡北

界官角

乍丫順溝行石徑蠶叢道多梗塞二十五里至雨撒

塘有人戶柴草復西行過大雪山路甚陡險積雪如

銀煙嵐之氣輒中人作病上下六十里至昂地一作囊地

有駐防塘舖有刺麻供給烏拉

王我師兩撒塘詩遙瞻樹色與山齊幾處人家傍水棲未晚閉門愁虎過選晴曉起訝

鳩啼寒侵自是風來急氣暗應知霧下王我師昂地

低到此何須懷顧慮穿林越嶺任攀躋王我師昂地

詩此山殊不類寒暑匝相尋澗氣撩鬚凍土香撲鼻

昂地三十里噶噶尖六十里王卡宿計程九十里



昂地順溝行三十里至噶噶上大雪山亂石崎嶇積雪層疊秋濤怒湧路復曲折上下行人肌寒起粟手指皸裂六十里至王卡有人戶柴草頭人換給烏拉有塘鋪

王卡二十里三道橋尖三十里巴貢宿計程五十里

王卡經熱水塘二十里至三道橋路平又行二十三里紆折上山路轉峯迴五里至巴貢塘有塘鋪柴草有頭人供給烏拉

巴貢六十里苦弄山尖四十里包墩宿計程一百里

巴貢上大山或降或陟終日蹠躩於荒山中六十里

至苦弄山根亦名窟窿山山多石穴大者如堂如室小者

如戶如牖張喏翕闔掩映迴環上山行拗折而下四

十里至包墩有頭人供給烏拉

王我師包墩詩馬繫斜陽傍短籬風沙滾滾檻前移忽聞人語喧闐處驚顧班鳴月上時

包墩七十里猛卜尖八十里察木多宿計程一百五十里

包墩沿河行十里過大山一小山二懸崖絕壁偏橋

列如雲棧崎嶇難行上下六十里至猛卜一名孟鋪一作蒙布

又作蒙堡有碉房柴草在山凹之中沿山臨河復沿河登

山行二十里過大山地名小恩達路多偏橋險窄不

可騎行六十里過四川橋抵察木多即昌都有土城居



民二百餘戶換烏拉

王我師蒙堡塘詩

一從投筆赴西遊歷險經危春復秋踏雪應知牛背穩可能細載坦

無王我師察木多詩

靈山接引向東來關地重門一洞開二水雙橋圖裏畫五花兩

陣望中臺南天回首嗟窮杏西藏登堂豈易迴到此應從何處想慈航有渡莫疑猜

自江卡至察木多十站共計程九百七十五里

西招圖略作九站共計程九百九十五里

察木多

四十里

俄洛橋尖

三十里

浪蕩溝宿共計七十五里

察木多

一作木

在乍丫西北即古康地古稱前藏一名

喀木界通川滇其北河有四川橋南河有雲南橋江

巴林寺係江心濯結所建寺左水名昌河寺右水名

都河故又名昌都昔屬闡教胡土克圖掌管康熙五十八年

頒給正胡土克圖印信住坐察木多大寺其副胡土克圖什

坐邊壩之西甲喇大刺麻寺又有昌諸巴

一作倉儲巴

家札聰所管大小寺院五十座復設糧務一員遊擊

一員千把外委各一員以為控制其疆域東至包墩

界一百四十里西至牛屎溝界三百九十里南至結

黨北至隆慶界為四川雲南青海入藏總匯之區其

風俗崇信浮屠生子半為刺麻喜啖生物不尚滋味

喪葬或付水火或投鷹犬夷情難以頓革惟臘月念



八仲春望日頗合漢人剪綵迎牛之意

察木多由南河而進偏仄多偏橋行者戒焉水複山

重路通各部番境四十里至俄洛橋一作惡有人戶

路稍平三十五里至浪蕩溝有碛房柴草可棲止焉

楊揆皮船詩剗木製為舟利用涉水可大如艚與航

指迷師用篙躡險工喚舵今來藏江側厲揭測誠匪

外圓裁皮蒙中虛截竹荷淺類管可盛欵訝筐欲簸

著足當中央俯身戒側左形模嗤渾沌軀殼僅螺贏

傍岸任孤行邀人祇雙坐俄驚層波掀真擬一壺妥

駭耳聲錚攔眩眼勢鬼何附毛識命輕存鄴嗟身瘡

相觸心毋褊羣爭指休墮微生慣江湖到此良坎珂

倘從魚腹遊甯殊馬革裏會聞慧海航止泛蓮花朵

彼岸幸非遙津梁勿慵惰按達顏崇占爾渡在滾卓

克宗城北三百八十里察木多番人往西海者由此

用皮船渡

浪蕩溝一百里拉貢尖六十里恩達寨宿計程百六十里

浪蕩溝二十里至裏角塘進溝上山由偏橋行險如

前雪凌滑甚且有瘴氣八十里至拉貢有塘舖碛房

柴草有頭人給役二十里過松羅橋昌都屬上山四十

里至恩達寨其重役夫馬則類烏齊倉儲巴供給焉

恩達寨六十里牛糞溝尖九十里瓦合寨宿計程百五十里

恩達寨二十里過恩達塘有塘舖二十里過喇貢山

一作拉貢二十里至牛糞溝二十里過瓦合山高峻且百

折山上有海子烟霧迷離有望竿合週天數矗立於



土臺之上如大雪封山時必藉以為嚮導過此戒勿  
出聲違則冰雹驟至山中鳥獸不棲四時俱冷上下  
逾百里無炊烟二十里過肱膊梁下山三十里過瓦  
合塘有塘舖又二十里至瓦合寨隸類伍齊有頭人  
供役

楊揆瓦合山詩連峯百餘里溪澗互縈抱拾級身漸  
高橫空斷飛鳥晶瑩太古雪山骨瘦  
而槁浩浩驅長風撲面利如爪為怯度嶺遲預屬戒  
途早懸崖月魄青墮壺燈焰小盤盤巨石蹲落落枯  
松倒狀疑獅鬚勢若龍天矯足疲苦躑躅目眩失  
窵窵問程無來踪計里少立表山厰屋數椽傾側短  
垣繚於此置急郵輕騎馳閒道重煩驛吏迎好語問  
寒燠饑腸任粗糲羸馬戀芻藁少憩難久留撞撞寸  
心擾乍見晴光來午日露分杪積陰所醞釀慘淡失  
昏曉疾下緣陂陀百折路逾拗山靈太狡獪刻畫弄

神巧本來絕攀躋誰使強登  
眺俯仰嘆勞人鬚鬢此中老

瓦合寨四十里麻利尖四十里嘉裕橋宿計程八十里

瓦合寨西南行四十里至麻利一作麻里有碉房柴草十

里過山山勢高峻下山繞河而行偏橋疊見三十里

至嘉裕橋番名三壩橋一作三巴橋有碉房柴草兩

山環抱一水中流天氣暄和地土饒美有塘舖

楊揆嘉玉橋詩悄悄日西下濺濺水東流倦客暮投  
宿悽然生遠愁仄徑俯深壑支崖夾

寒湫橫空駕飛梁蹴浪驚潛蚪淡月一回  
照千峯影如浮山重水更複歸路何其修

嘉裕橋二十里鼻奔山根尖五十里洛隆宗宿計程八十里

嘉裕橋西南行上得貢喇山山勢陡峻上下二十五



里詰屈如蛇形有松林路悉險窄多溜沙地五里過橋至鼻奔山根五十里至洛隆宗有碉房柴草換烏拉有塘鋪

附錄類伍齊一作類烏齊在察木多西北係由草地進藏經道原隸西藏康熙五十八年

頒給胡土克圖印信住坐類伍齊大寺該地刺麻俱於城內居住所部番民居黑帳房者多住土房者少雍正四年會勘疆界將類伍齊地方遵

旨賞給達賴刺麻其疆域東至察木多之狼古山為界西至喇里界南至達隆宗界北至洛隆宗界其瓦合麻利

二塘屬類伍齊

洛隆宗一百一十里曲齒尖五十里碩般多宿計程一百六十里

洛隆宗在類伍齊西南其地有嘉裕橋為藏鑪通津亦西海進藏之要隘原隸西藏部屬委磔巴二名管理康熙五十八年大兵進藏該地磔巴番民傾心投誠採辦軍糧輓運無誤雍正四年將洛隆宗地方遵旨賞給達賴刺麻其疆域東至瓦合塘界二百十里西至擢

恥塘界百六十五里南至類伍齊界北至達隆宗界洛隆宗西南行經漫坡上坡山路陡險九十里過鐵凹塘大山壁立有塘鋪順溝而行路稍平坦二十里



至曲齒

又名紫駝

有大刺麻寺可尖可宿

近新開一路由東南行為春夏

水漲繞道也

五十里至碩般多居人稠密物產亦饒有碓

房柴草有駐防換烏拉

碩般多

五十里

中義溝尖

五十里

巴里郎宿計程一百里

碩般多

一作說板多一作設板多在洛隆宗之西地

少險隘惟惡說與春朋接壤乃西海之捷徑也原屬

西藏部落委刺麻磔巴一名俗磔巴一名掌理黃教

鈴束地方後被準噶爾佔踞西藏遣陀陀宰桑至碩

般多一帶剝削僧俗人眾康熙五十八年定西將軍

噶爾弼等統兵進藏該地磔巴人等迎師投誠陀陀

旨將碩般多地方賞給達賴刺麻復置千總外委各一員以

宰桑潛回西藏總統遣諳練外委三十名改飾易服

令該地磔巴嚮導追至索馬郎擒獲陀陀宰桑送川

解部至雍正四年會勘疆界遵

旨將碩般多地方賞給達賴刺麻復置千總外委各一員以

資控制焉其疆域東自洛隆宗擢恥塘界西至阿南

多界六百八十里南至洛隆宗界北至達隆宗界

碩般多沿溝而上路平五十里過巴喇山勢不甚峻

至中義溝

一作中倚一作中譯又作忠義

山程平坦五十里至巴里

郎

一作八里郎又作巴裏郎

有碓房柴草有塘鋪頭人供給烏拉

但居人落落旅況增岑寂焉



〔巴里郎〕五十五里索馬郎尖四十里拉子宿計程一百里

巴里郎進溝三十里上賽瓦合山一作朔馬喇山邊風獵獵

亂山皆童二十五里至索馬郎即擒陀陀宰桑處又

四十五里至拉子一作喇賁沿山繞河而行地多溜沙足

卻不前其地有塘鋪頭人給役柴草價昂蓋山兀地

荒致此不易耳

〔拉子〕五十里邊壩尖六十里丹達宿計程一百十里

邊壩在碩般多之南原屬西藏所轄委碟巴二名管

理康熙五十八年大兵進藏該地刺麻碟巴人等傾

心向化承辦糧差留駐官兵彈壓以連聲援所轄地

方自喇子起至魯工喇大山根拉里止四至遼濶差

徭繁劇又委熱傲三名以作三處分治承應

聖朝軍役無敢懈怠凡熱傲居止俱有官寨樓房窮荒僻

壤蓋別有風氣云其疆域東至碩般多二百九十里

西至拉里七百三十里

拉子西南沿山而上過必達喇山山路平坦上下十

里下山路偏仄河流縱橫水清淺可褰裳而涉四十

里至邊壩一名賓巴一作水壩即達隆宗有塘鋪二山橫跨四水環

襟為西藏遼濶之區六十里至丹達有塘鋪營官碟

巴供役換烏拉



楊揆邊壩詩

山路繚而曲斷澗流澌澌隔煙聞暮鐘

拏雲擊蒼鶻窟穴驚妖狸番人為我言此地傍海涯  
往往見怪物噴濤鬪鯨鯢森然鋸牙齒馬首而牛蹄  
白光瑩如炬戴角雙鬚鬚出沒致風雨鼓浪山與齊  
所言信非妄毋乃是水犀稽古辨其族本出西南夷  
誰能刺堅革  
長劍空手提

丹達

五十里

察羅松多尖

五十里

郎吉宗宿計程一百里

丹達之麓有廟相傳雲南某參軍解餉至此沒於玉  
事屢著靈異土人祀焉過山者必禱之十五里上魯  
貢喇山一作魯喇山峭壁摩空中有一小溝蜿蜒上下夏  
則泥滑冬則一冰雪槽行人拄杖魚貫而進不能竝  
轡此赴藏一險阻也三十里下山至察羅松多五十

里至郎吉宗

一作郎結宗又作浪金溝

有碛房柴草有塘舖碟巴

供給差役

楊揆丹達山詩

昔聞茲山奇絕險今始邁玉龍作之

金宿突兀窮荒中陽和不能透想當鴻濛闢手出  
極構石稜間缺齧嵌空琢冰鬚一片玻璃光千斛瓊  
屑糝陰風中怒號虛響沸巖竇行旅慘不前十步九  
顛覆勇上未盈尺陡落千丈溜躑躅馬脫蹄毳毳鳥  
縮味有時朝日開如熨綃穀靚睛光相激射到眼胥  
眩瞽我尋西荒經險阻亦既覲信知九州遙豈為五  
嶽固何圖歸程急到此空引脰人言山之神靈爽茲  
妥侑陰霾變倏忽窈冥失旦晝來從萬玉如旋轉飄  
縞袖築雪如作城森寒巨靈守時虞長圍壓誰敢孤  
軍逗狂飈一倒吹萬牛盡回首往往昏黑中不復辨  
崖岫倏見神燈迎出險相引救我行日亭午千洞鳴  
玉漱幸值氣暄和謂為神所佑心怯卦習坎事喜象  
遇姤整衣拜叢祠兼以村酒酌視秩少桓魯工喇山  
圭升香無玉豆作詩誌茲行用當神弦奏



詩稜稜聳石角設險抵劍門雪霰零其嶺草木不肯  
蕃經仄復斜注僅有展迹存水柱森槎枒袖手莫  
敢捫願借九火轉男以一炬燔度使窮谷底飛灰轉  
春温此志甯易遂徒與愚公論拄杖三歎息誰為收  
驚魂

郎吉宗四十里大窩尖五十里阿蘭多宿計程九十五里

郎吉宗曠野平坦換烏拉順壩而下有兩路一由山

徑路窄險一由溝路稍平夏曰水漲多阻四十里至

大窩塘一作達模有磔巴供給差役路雖平而側進若谷

順河而下五十五里至阿蘭多一作阿哪通有塘舖硯房

柴草

阿蘭多三十里破寨子尖四十里甲貢宿計程七十里

阿蘭多西南行側身循溝而上南北俱有偏橋上山

路險窄行人慄然如墜三十里至破寨子一名阿蘭卡有

橫石森如人立俗名鸚鵡嘴鑿以為道四十里至甲

貢拉里屬有柴無草有塘舖磔巴供給差役

甲貢四十里大板橋尖四十里多洞宿計程八十里

甲貢路崎嶇傍山而上下過小坡漫衍荒涼四十里

至大板橋四十里至多洞人烟寥落無傳舍有塘舖

凡往來者即其汎以為棲息地無柴草

多洞八十里擦竹卡尖六十里拉里宿計程百四十里

多洞塘附近水邊率水澌而上二十里上大山山峰



峭立雪凌險滑視丹達無異六十里至擦竹卡一作擦楮

卡又作叉有熱水塘番人亦呼為擦楮卡過山凹中有一湖約寬

七八里長十餘里冬春凍如平地行人履之無怖六

十里抵拉里一作喇里天冷柴草罕有有駐防塘舖堪布

供給差役而烏拉則類伍齊之所供給也

百察木多至拉里十四站共計程一千五百里

西招圖畧作十五站共計程一千五百十里

〔拉里〕五十里阿咱尖一百一十里山灣宿計程一百六十里

拉里在達隆宗西北實察木多與西藏中通之咽喉

也林拉一山為哈喇烏蘇大道直通青海自準噶爾

車零敦多布侵佔西藏該地黑刺麻附逆助謀偽稱

河州刺麻迎師嚮導陰遣番人截邀軍糧康熙五十

八年定西將軍噶爾弼統領綠旗官兵至拉里預遣

永寧副將岳鍾琪提兵計擒黑刺麻訊明附逆陰謀

截糧情實旋即正法另委刺麻掌理地方復設糧務

把總外委各一員歷年駐藏官兵往來服役極為恭

順其疆域東至夾貢塘界二百七十里西至常多塘

界二百四十里

拉里由溝行復上大山危峯聳峙冰雪四時不消巉

巖海岸風起雪擁險滑難行五十里至阿咱一作阿雜有



塘舖磔巴供役再行三十里有海長四十餘里俗傳有獨角獸頗為怪又八十里至山灣有塘舖少柴草

〔山灣〕六十里常多尖六十里甯多宿計程一百二十里

山灣塘由山灣上卓喇山峻險難行約四十餘里多冰雪積石嶙峋共六十里至常多一作昌多天時常如冬

山皆不毛有塘舖居人以樹皮為屋僅數間炊烟零落屬江有磔巴供給烏拉六十里路稍平坦至甯多

一作凝多有塘舖又作靈多有塘舖

〔甯多〕四十里過拉松多尖四十里江達宿計程八十里

甯多路平順溝而下四十里至過拉松多即王巴琿江達界

過橋水潺湲激石有聲橋以東江達屬四十里至江達地不甚寒有駐防塘舖柴草

〔江達〕六十里順達尖一百里鹿馬嶺宿計程一百六十里

江達在拉里西南其三星橋甲桑橋二水會合之地乃東西要津而所轄之章谷并鄂說與疊工接壤又北通西海之要隘也先年準噶爾侵佔西藏工布人民堅閉防禦敵人不能入其境康熙五十八年大兵進取西藏總統遣員撫綏工布一帶酋長率領部屬迎師就撫嚮導進藏雍正四年遵

旨將江達地方仍隸西藏設有外委一員并達賴所委磔巴



二名鈴東地方其疆域東自拉里常多塘界西至磊  
達界三百十里

江達憑山依谷形勢險要有工布磔巴供給差役沿  
河而下六十里至順達有塘舖沿溝而進河道分流  
林木陰翳一百里至鹿馬嶺一作六有塘舖山高無  
險阻約四十里視前歷之冰雪峻嶒心劇目者居  
然平易矣

楊揆鹿馬嶺詩層冰何崢嶸峭壁立千丈集霰初濛  
濛俄驚雪如掌延緣苦顛躓推挽失  
依仗徒侶皆聒聒呼聲應巖響艱難到絕頂俯瞰彌  
震盪凌風一振衣十指若槌強所幸趨歸程鼓氣能  
勇上地險心則夷毋為憚勞攘

鹿馬嶺百二堆達尖六十烏蘇江宿計程一百八十里

鹿馬嶺進溝而上下約四十里山路坦夷微有瘴厲

番稱蒲葛倉寒風凜冽無盛暑八十里至堆達一作磊達

倉有塘舖烟火寥寥柴草亦稀順河繞溝而下過竹

貢六十里至烏蘇江一作烏路俱坦有塘舖小磔巴

支應柴草牛羊去衛藏佛國較近別開奇境矣此站甚遠

有卽堆達宿者

烏蘇江六十仁進里尖七十墨竹工卡宿計百三十里

烏蘇江水勢平緩順河西行雖僻處一隅而程途夷

坦迥異前險六十里至仁進里一作臨欽里有塘舖



行者如僕馬告瘁至此可憩息焉由東北而上七十里至墨竹工卡有塘鋪磔巴給役

墨竹工卡四十里拉木尖八十里德慶宿計程一百二十里

墨竹工卡正北接察木多草地之路其水向西流至藏卽藏河也水驛有皮船四十里至拉木一作納磨有房舍柴草稀少寺院幽僻人稠地廣遶河而下五十里過占達塘復西行三十里至德慶

德慶四十里蔡里尖二十里前藏宿計程六十里

德慶其地多候館往來者恆棲止之路旁有塘鋪繞道而下四十里至蔡里一作采里又名砌塘有磔巴供給柴草

二十里過機楮河抵前藏布達拉機楮河卽藏江水西流以皮木船渡藏之北名三珠剛又其地四山環峙儼若城垣水秀山奇宛然福地有駐防

自拉里至前藏八站共計程一千零十里

西招圖畧作十站共計程一千零七十里

前藏四十里登龍岡尖四十里業黨宿計程八十里

前藏卽烏斯藏也蕃字烏加斯字切音作衛故又名衛一名喇薩又作拉撒華言佛地也居諸藏之中亦稱中藏舊有城康熙六十年定西將軍策國諾爾布毀之改築西南石堤以遏藏江之水其西突起布達



拉一山布達拉者華言普陀宗乘也普陀有三一在天竺南海中一在浙江定海一在西藏連臺二峯高百餘丈其一達賴居之其一為高行刺麻靜修之所其達賴所居因山勢建樓十有三重上有金殿三金塔五僧舍萬餘間金玉銀銅佛像無數歷代寶器充牣耀目西殿則宗喀巴遺蹟在焉其刺麻所居一峯即招拉筆洞山巔建寺形如磨盤下瞰藏江即噶爾招木倫江有琉璃橋山後有池周四里中壘土而亭其上名祿康插木皮船渡之捍隄三十餘餘民夾岸而居山之東五里為大小招寺皆唐公主所建西番謂廟

曰招大招西向志在西方小招東向思中土也大招

左廊有贊普及公主並白布國王女塑像白布國王女贊普之

妾內供釋迦牟尼佛乃公主自中國請來者殿門外

有長慶中唐番和盟碑旁有唐柳鬱若龍蚪小招供

珠吉多佛其座額書寂默能仁則亦釋迦像也而世

俗妄傳大招寺像乃白布國王女成佛小招寺像乃

公主侍女成佛直委巷之談耳又南七里為札什城

漢兵所居又有白蚌甘丹色拉桑為四大寺遠近拱

挹寺中刺麻多者五千餘少者二三千而甘丹寺距

布達拉八十里則宗喀巴成道之所也又有宗角園



卡契園經園諸勝錯綜其間爲達賴班禪往來遊憩之所春冬桃柳松柏相映自然梵舍花宮洵西方極樂國也其疆域東至甯靜多松工二山交巴塘界三千七百六十五里西至谷喜塘交後藏界六百九十里南至亦爾交洛壩生番界北至木魯烏蘇噶爾藏胡又交青海界其風俗人隨畜牧而不常厥居然頗有城郭屋皆平頭高者至數十尺貴人處於大氊帳名爲拂廬寢處汙穢絕不櫛沐接手飲酒以氊爲盤拾麩爲椀實以羹酪并而食之多事獬羝之神人信巫覡不知節候麥熟爲首歲弓劍不離身重壯賤老

出入少者在前老者居後每戰前隊皆死後隊方進重兵死惡病終累代戰沒以爲甲門衣率氊章以赭塗面爲好婦人辮髮而縈之其官之章飾最上琴瑟金次之金塗銀又次之銀次之最下至銅止差大小綴臂前以辨貴賤吏治無文字結繩齒木爲約喜淨屠法習咒詛國之政事必以桑門參決生子半爲刺麻僧居大土臺上不食肉娶妻土臺外僧有食肉娶妻者至於死喪或付鷹犬或投水火其習俗也前藏路平坦四十里過大橋至登龍岡有房舍順河而行途亦平易又四十里至業黨有塘鋪房舍有磔



巴供給柴草

唐碑大商議社武孝德皇帝大蕃聖神贊普甥舅二主  
俱以證知世世代代使其稱贊是以盟大節留傳之  
於後世也文武孝德皇帝與聖神贊普德之黎贊陞  
下二聖睿哲鴻被曉之今永化亨矜愍之情恩覆其  
無內外商議叶同務令萬姓安泰所思如一成久遠  
大治之績茲觀同心以伸鄰好之義共成厥美今蕃  
漢二國所守見管封疆洮岷之東屬大唐國界其塞  
之西盡是大蕃地土彼此不為殺敵不舉兵革不相  
侵謀疆域或有積阻捉生問事設給以衣糧放歸令  
社稷山川無擾各敬人神然甥舅相好之義苦難每  
須通傳彼此相倚二國常相往來兩路所差唐差蕃  
使並於將軍谷交馬其洮岷之東大唐供應清水縣  
之西大蕃供應須令甥舅親近之體使兩界煙塵不  
揚同聞盛德之名頻無驚恐之慮行人撤備鄉土俱  
安禮無相擾之犯垂恩萬代則稱羨之聲遍於日月  
所照矣蕃於蕃圖受安漢亦漢國受樂茲合其大業  
耳各依此盟誓永不移易當三寶及諸賢日月星辰

之下共陳刑具為盟設此大誓約如有不依此誓蕃  
漢背約破盟者求其禍殃也倘傾覆以及動陰謀者  
不在破盟之限蕃漢君臣並稽首告立周細為楊撥  
文二君之德萬載稱揚內外蒙麻人民咸頌矣

渡藏江詩昔渡藏江來今渡藏江去江流逐歸心日  
三宿緣何日是歸處回首盼華嚴天花散如兩塵  
根殊未淨初地甯易遇彈指去來今羈懷共誰語

侗烏思藏竹枝詞拂廬大小上調房種穉縫衣瑟瑟  
牛羊大慶新封灌頂師金吾夾道半鑿方積魚通塞  
儀帳中吃吃君王笑祕戲私傳演揲兒

外雜詩平沙漠漠草芊芊落日牛羊萬幕煙亦有參  
鋪韜弓斂矢望塵呼分明明手版層層遞五尺紅綾淡  
墨無明妃孤冢草青青貴主荒墳問杳冥聽說蓮花  
身不化佛燈深處坐娉婷平蕪初長馬初肥大小傳  
呼曉合圍羌女能歌羌婦舞夜深燈火載熊歸玉馬  
銀獐隊隊馳瓊花瓊樹一枝枝遙憐小市淮南雨正  
是梅黃欲摘時關接松維畫不局河山滿眼舊龍庭



劇憐鐵馬金戈侶都馬若虛西招雜詠錦繡蠻鞞馬

誦尊王答聖經微燕影婆娑千佛龕前百叩多自把都梁薰袖口等

身祈福正清和五紋雜組掛絲絲佛賜松堆辦作綏

扛顛類椎髻技無雙上林會見猿升木傳是都虛絕

一鳥過人言亦似脫鞞鷹萬口喧騰響法螺沙門馬

梵面舞婆娑十年又踏羶鄉路梵唄聲中看大難馬

若虛登龍岡雪後觀獵詩平生粗類曹景宗帷車新

之攜童跨馬行蹇蹇腰弓臂鷹亦常事達掖麗龜遜

飄管塞垣九月風怒號一夜四山皆積雪相邀健將

合長圍躍馬平原電飛掣黃麈抱頭草間窟狡兔狂

奔失三穴乍看雲際落頭驚旌轡平岡磴山驚青頭

雞或穿其頤白翎雀乃洞其噎暑然一聲霹靂震豺

虎紛紛灑毛血長楊羽獵相如賦射雉安仁稱獨絕

昔人豪邁實可喜我亦馳驅效前哲楊揆唐柳詩種

况復西川未罷兵翻身欲擊天狼滅

靈和樹婆娑倍可憐根株依佛土栽值記唐年照影

會臨水翠情乍禁煙曉風江岸上斜日寺門前鬢頂

零秋早空火煎倦時休作雪老去罷吹綿青眼

人誰識纖腰屢遷慈雲明蔭久甘露特恩偏已斷

沽泥性容參離垢禪曇華分妙相貝葉訂前緣過客

剛聞笛逢君暫寄鞭飄零真有憾憔悴正無眠草暗

長隄路鴉歸薄暝天攀馬若虛唐柳詞前朝一樹垂

條思寄遠垂手重流連海滿遺恨文成同繫年華逝

拖青尾枝占春先根墳零翠伴侶殘碑薛痕凝繞佛頭

水曾閱過與亡斷紅零放青雙眼斜倚蕭寺豎拂禪

髻腰支尚同弱女餘年事紛紛蠓子指梵宇金鋪

和尋春游客那識千餘年查禮藏紙詩蜀紙遜豫章工

尚存唐字蟬翼輕摹古查禮藏紙詩蜀紙遜豫章工



佛國技藝能無遠不籌創又楊揆詩不染雲藍色言  
 東土應誇觀頌美烏斯藏又楊揆詩不染雲藍色言  
 詞客賞時費佛香薰淺印華嚴字深查禮西域弓矢  
 留側理紋十緡誰所贈好寫貝多文  
 歌蕃弓疆蕃矢短箭聲中氣滿筋弦角背硬難  
 旌旗卷射人射馬百戰酣四野橫屍血濺眼我今腰  
 矢復挂弓不願從軍願攜鷹與犬黃羊斑鹿任意追  
 挾矢彎弓馬逐遠番兒拍掌呼番吳省欽藏棗詩覈  
 僧亟稱善道是文臣之技不可限  
 備五宜來來著標格藏產推果珍楛皮裏成腊小者  
 扶寸餘黏膩不容摩大者指數圍恬淡不容辭如瓜  
 雖未能入藥真足惜大荒處極西厥汗受符策覓種  
 盈萬栽有院挂林隙暈紫攢鱗西厥汗受符策覓種  
 烏拉馱飽飼曩宋喫其核尤出奇無復仁可獲瓜離  
 兩已背渾沌一爻畫齧之若檳榔生濫介喉隘以彼  
 寒苦地乃集甘温益旬臚傳唱人練氣祕服食繫余  
 孱病身內景滯胸膈筐傾坐難支竿打路偏隔想像  
 西南番萬里貢心赤一吳省欽藏香詩薰籠媚閨情  
 笑檢農書簾影棗花北

香市喧蜀郡卻被海內笑謂乏龍腦珍兼遜鷓班耀  
 下駟安可充先韋幸無躁尸陀林各天西藏直西微  
 睡棄南北宗貼耳奉黃教吹螺響鳴鳴轉幡影活活  
 正法如日懸一氣大感召甘松及珠貝百鍊入鐺銚  
 搗作元霜精搓作金管貌星星微火來煙篆四騰掉  
 其臭淡無言其燼光有曜重帷閉少時融液透百竅  
 辟邪具神通那必數醫療方今威德宏神僧契  
 元照重舌赴東土焚頂祕虔告區區登貢餘惹衣記  
 廊廟使臣荷分致羌情驗驪叫束香同束吳省欽藏  
 芻價壓萬蹄躑躅鄭重燒博山心清遠聞妙吳省欽藏  
 疆疆詩邊城出魚通烏斯藏聯屬水草健移帳羊牛  
 毛毳絨細盈翁漫惟馳驅便寢食利皮肉一毛積萬  
 條條絨受機袖經之復緯之織作妙綠相續數丈亘一  
 架用手不用足疋成刮使光束卷詫豐縟入市茶馬  
 借任貢組繆惡皇靈被戎夏如布罔越幅扈夷  
 徠桐漿準部資考牧糴珍致新羅毳毼獻身毒弓衣  
 繡詩句即事驗懷服殊珍何自來展對見羌俗復陶  
 製效秦黃潤價壓蜀賓屬番駝尼考馬若虛西招白  
 校味前錄為報割擅情纏綿佐宵讀



牡丹詩

潔白天魔女豔妝清芬微勝白檀香春風裊

幻空花過眼有無間根深穩

馬若虛西招虞美人詞

翠袖風迴霓裳霞綺開遍樓東招提萬里楚重瞳帳

中珠淚紅金城遠嫁千年恨留光影幽怨虞兮並

從來情字最堪憐翩翩枝頭

一朵鮮右調河傳第六體

業黨

四十里

僵里尖

五十里

曲水宿計程九十里

業黨亦順河行經崖塢三亦不甚險阻四十里至僵

里又五十里從阡陌行河流委折至曲水

有蝎子洞如犯死罪

者活縛至沃野平原綿亘百里有房舍柴草有磔巴

給役焉

松筠曲水塘詩

曲水即褚潛漢音非蠻語關隘依巖道江岸環幽圍形似陣長蛇是謂百

夫禦豈獨地勢佳隨在多糧糈且喜近前招程僅兩日許欲久樂昇平治以同胞與惟期善時保萬

載堪甯處

曲水

五十里

岡把擇尖

九十里

白地宿計程一百四十里

曲水十五里至鐵索橋江勢浩瀚最險渡以木船過

河三十五里至岡把擇有房舍柴草又過大山危峯

巖業上下四十里過殺馬隴柴草稀少路經平地五

十里至白地有塘鋪柴草

松筠白地塘詩

白地海邊秋汗洋沿往復龍淵雖廣

獲福徘徊忘路

楊揆鐵索橋詩山川阻洪流深廣詎

紆卽景堪娛目

石起嵩峯飛空架索橋鎖紐危欲絕曳踵窘不前森

然豎毛髮宛宛虹舒腰落落蛇脫骨迥疑匹練鋪窄



抵長緹拽誰遣高梯橫莫挽巨筏脫翻風乍飛騫緣  
雲更艱腕手怯朽索捫足苦縮板裂前行不得縱後  
武甯許突俯視逆流迸疾較飛電掣天矯龍尾垂凌  
亂鴈齒缺驅龍既難憑駕鵲苦乏術拄杖心魂魂寒  
裳趾兀兀枉非冬月成繩豈太古結艱危信多端絕  
險誰所設行矣勿回顧中道未容輟側聽步虛聲長  
吟踏搖闌柱敢馬卿題馭比王  
尊叱一墜無百年登陸股猶慄

百地五十里捷魯尖五十里浪噶子宿計程一百五里

白地三十五里過葉賽十五里至捷魯有房舍柴草  
有歧路一由江孜一由然巴然巴春夏為商販所必  
經至冬則雪凌多阻滯且翁古一帶村落廣糧食戊  
申西征之役已改由浪噶子一作噶子取道今因之五  
十五里至浪噶子路皆平坦有磔巴人戶

浪噶子五十里翁古尖六十里熱隆宿計程一百二十里

浪噶子路平五十五里至翁古有磔巴人戶過山六  
十五里至熱隆有磔巴人戶路亦平坦從左手分路  
通布魯克巴

熱隆七十里谷洗尖七十里江孜宿計程一百四十里

熱隆至谷洗七十里谷洗至江孜七十里江孜亦要  
隘也二處均有磔巴人戶柴草所出則江孜較多路  
俱平坦

松筠江孜詩秋閱江孜汛蠻戎演戰圖礮聲發震旦

百年雖不用一日未應無訓練能循制  
屏藩足鎮隅賞頌嘉壯健感激飲醍醐



江孜五十五里人進岡尖六十里巴浪宿計程一百十五里

江孜在前藏西南後藏東北面山背水為衛藏交通之重地又與定結帕克哩噶爾達相通布魯克巴哲孟雄宗木等處部落來藏之要路也乾隆五十七年大學士福康安奏係扼要總路請添設營汛派委守備外委各一員帶兵二十名駐劄又設戴琫一人安設番兵五百名不惟衛藏氣勢聯絡而布魯克巴哲孟雄宗木等處亦皆資以彈壓矣其疆域下至谷喜塘七十里西至甘壩塘一百四十里人進岡距江孜五十五里巴浪一作白浪距人進岡六十

里有磔巴人戶柴草行者可尖可宿

巴浪七十里春堆尖四十里札什倫布宿計程一百十里

巴浪迤邐而進過大橋路坦七十里至春堆一作春磊有

磔巴人戶過此四十里即札什倫布一作札什隆布即後藏班

禪額爾德尼坐牀處也

馬若虛後藏詩行脚雞峯復象坑三旬掛錫竺王城

香雨一林神女散春風千樹地魔爭去來本是無心事多謝阿難解送迎萬峯玉鑷聳晴嵐一水龍沈吼古潭泉噴石橋衝馬過山盤雲磴倩猿探邊笳聲急秋風勁毳幕談深濁酒酣感慨懷人兼惜別廿年三度解又詩還方祝嘏禮堯天咫尺慈顏御座前化成九道恩施遠久有邊荒感激虔松筠春堆詩納更喜羣生無量讚班禪近侍誦經專



岡桑麓濟科嘉布山相傳通衢護成禱菩薩蠻秋  
暖山猶翠時和花向鮮我行經兩度遂此樂豐年楊  
揆曉發春堆詩際曉角聲動平沙萬帳收遙瞻日東  
出時見水西流獨犬吠番堡羣鴉散  
驛樓行行荷戈  
去五月尚披裘

自前藏至後藏八站共計程九百里西招圖畧作  
九百十五里

後藏札什倫布至乃黨尖又至拉爾宿計程九十里

由喇薩西南行九日為後藏在唐亦吐蕃地有寺曰  
札什倫布乃班禪額爾德尼坐牀之所舊名仍仲甯  
翁結巴寺後藏人敬禮班禪與前藏奉達賴刺麻等  
考其山川風土蓋於喇薩外別具洞天達賴傳宗班  
禪分化由來舊矣我

太宗文皇帝之崇德七年班禪謂東土有

聖人出偕達賴遣使越四萬里來朝約行善事

太宗文皇帝嘉納之

國朝定鼎後頻遣使熬茶康熙五十三年

勅封為班禪額爾德尼乾隆庚子歲班禪朝

京師

高宗純皇帝與其慕義

恩賜四體字玉冊玉印居西黃寺是年冬示寂降生番部復  
迎回札什倫布坐牀其遣使入貢與達賴刺麻各間  
年一次其疆域東自噶木巴嶺衛界西至麻爾岳木



嶺阿里界一千八百八十二里南自帕里宗城之畢  
木拉嶺北至者巴部落打魯克雨木撮池一千三百  
餘里風俗與前藏無異

〔拉爾至邦尖又至乃安宿計程一百里〕

〔乃安至熱龍尖又至札什岡宿計程一百十里〕

〔札什岡至半達尖又至彭錯嶺宿計程九十五里〕

松筠彭錯嶺詩廟側有巖崗直壁下臨江固是三關  
一因置千載防工作無多費利益保

封疆寨卡互維  
持制律用知方

〔彭錯嶺至乍喜宗尖又至札塘宿計程一百里〕

〔札塘至沙巴都尖又至納子宿計程一百里〕

〔納子至白佳紀岡尖又至雜務宿計程九十五里〕

〔雜務至山根尖又至甲錯白宿計程一百十里〕

楊揆甲錯白詩猶風怒捲邊聲惡冷日無光向西落  
征人下馬色死灰重裘壓肌如紙薄

連營列帳依山椒枯蓬滿地鳴蕭蕭微茫沙逕屏人  
迹黯淡時見殘燐飄中宵蒙被作僵臥噩夢屢驚心

瞻破左魂右魄何處來爭吃巫陽招楚些天明欲去  
不敢留此身幸未埋荒邱回頭試看昨宿處衰草短

垣堆松筠甲錯白詩層巔無瘴迥非前淡蕩微風晴  
日妍拉布臥雲天咫尺炙羊温

飽各  
陶然

〔甲錯白至油共有尖又至拉古籠古宿計程一百里〕

〔拉古籠古至羅羅尖又至脇噶爾宿計程一百五里〕

松筠羅羅塘詩清曉越嶠峨波絨頓九阿日中步緩  
緩迤暮問羅羅昔苦今何若咸稱已



脫苛田禾微有松筠脇噶爾詩脇噶近荒邊烏拉踴躍先俗僧兼應役何  
歉量減感慈多惜費千圓

由脇噶爾八十里至滅猛 九十里至第哩郎古

九十里至彌木耳 一百二十里至察木達 九十

里至下馬卡 一百二十里至噶叭角爾杆 八十

里至碩馬拉杜 一百二十里至重噶爾 九十里

至宗喀 由宗喀遶道九十里至嗎爾 一百二十

里至滾達 八十里至卓黨 一百十五里至竹塘

八十里至濟隴 由濟隴遶道八十六里至俄龍

一百二十里至索絨 七十五里至札林多 八

十五里至絨轄 一百十五里至聶拉木

自後藏至聶拉木二十九站共計程二千八百五

十一里

自江卡至聶拉木六十九站共計程七千二百二

十六里

自成都至聶拉木九十八站共計程九千八百十

一里

唐白居易新樂府縛戎人縛戎人縛戎人耳穿面破

詔徙東南吳與越黃衣小使錄姓名領出長安乘遞  
行身被金創面多瘡扶病徒行日一驛朝餐饑渴費  
杯盤夜臥腥臊汚牀席忽逢江水憶交河垂手齊聲  
嗚咽歌其中一虜語諸虜爾苦非多我苦多同伴行



人因借問欲說喉中氣憤憤自云鄉貫本涼原大歷  
 年中沒落蕃一落蕃中四十載遣蕃皮裘繫毛帶唯  
 許正朝服漢儀斂衣整巾潛淚垂誓心密定歸鄉計  
 不使蕃中妻子知暗思幸有殘筋力更恐年衰歸不  
 得蕃候嚴兵鳥不飛脫身胃死逃歸晝伏宵行經  
 大漠雲陰月墨風沙惡驚藏青冢寒草疏偷渡黃河  
 夜冰薄忽聞漢軍聲鼓聲路旁走出東南卑溼地定無  
 聽能漢語將軍遂縛作蕃生配向東再拜迎游騎不  
 存郵空防備念此吞聲仰訴天若為辛苦度殘年涼  
 原鄉井不得見胡地妻兒虛棄捐沒蕃被囚思漢土  
 歸漢被劫為蕃虜早知如此悔歸來兩地甯如一地  
 苦縛戎人為蕃虜早知如此悔歸來兩地甯如一地  
 漢語吐人戎人之中我苦辛自古此冤應未有漢心  
 蕃身吐松筠西招紀行圖詩苦衛藏蕃民累寶因頻  
 耗蠹達賴免粟征班禪緇田賦皇仁被遐荒窮  
 黎湛雨露奉勅曰欽哉盡心飼待哺敬副恩綸宣咸  
 使膏澤布度地招流亡游手拾農具譬猶醫大病既  
 愈宜調護仁以厲風俗教之已革故聖慈活西蕃  
 蠻生咸怡裕誰云措置難應識有先務安邊惟自治  
 莫使民時誤凜然常恪守西招氣自固閣部撫東北

余賑西南路巡邊輕騎從民力始從容曲水巖疆道  
 秦關百二同西招第一隘戰守事倍功過江傍瑣嶺  
 捨此無他渡前至孤山寺起起恐失步巴則西崑崙  
 綿亘割朝暮旁臨洋卓海二分惴煙霧較閱江攷汛  
 行看沃野田西達班禪廟南通帕哩邊是為南大門  
 屏藩有巨川水深溜且急廓番無敢前更有干壩隘  
 迤西定結連路皆稱險要防邊宜慎焉後招本堅固  
 新戍氣頗雄憶昔賊僥倖未遇此勁我佛法安莫忘危  
 豈其欠圓通今也班禪惠可冀布仁風既安莫忘危  
 慎初且慎終策馬彭錯嶺觀山胃次開天險不可升  
 曷禁意徘徊進發甲錯麓罡風拂面來雪巖相絡繹  
 間闔險隘哉脇噶山突兀官寨臨浮屠僧俗善守禦  
 失利窮賊渠假道薩迦廟潛抵班禪廬回巢懼由此  
 徑竄喀達墟定日當要衝量為設防汛西南近邊隘  
 獨立三關鎮通拉果荒涼峭壁摻天長遙觀魔頂臺  
 遺跡門寶牀迤暮至巴都始見小蠻莊極邊聶拉木  
 隘口舊無牆孤立營官寨民居僅數行在德不在險  
 休養成堤疆轉之達結嶺伯攷水草芳路經鞏塘拉  
 上下馬傍徨雲峯削不成沙磧浩茫西傍瓊噶寺  
 南抵宗喀塘堡寨稱堅固疑謀守有方滾達人煙少



卓黨饒圍場中接察木卡三橋跨虹梁自此茂林木  
 飛瀑懸瑤光濟隴飛瀑聚田肥稞麥良民俗微有異  
 人情兩面望厥端果安在無名權稅傷惟德可固結  
 眾志堅城防薩喀鄰宗喀北接阿里陽遊牧缺禾稼  
 生計惟牛羊民力苦竭輸蕩析任逃亡幸遇伊昔半  
 今惟二百強壹是苦征輸賦納邊氓乃阜康伊昔半  
 恩溥子惠救蠻荒繼以減賦納邊氓乃阜康伊昔半  
 流亡往往棄田間甘心為乞丐庶得稍安舒乃因差  
 徭繁頻年增役夫出夫復不役更欲折膏腴凡居通  
 衢戶鳥拉鞭催呼耕牛盡為役番庶果何辜敬以廣  
 有曲江地要隘籌新礪察隴產稞麥時糴儲倉厥旋  
 過陽巴井德慶有平皋往復頻略地繪圖佐戎韜寬  
 裕保斯民禁暴警貪饕撫巡宣聖德紀行託輔  
 毫顏檢衛藏詩禿髮開羌俗唐菽慕漢篇樂詩朱輔  
 欵邊邏此建城郭贊普奮戈鋌敢死推豪族初生解  
 控弦力邀青海月計破白蘭煙鷲遠翹首桓蒲思  
 比肩遣論瞻上國奉表譯蠻箋匪寇占婚媾還師謝  
 罪愆維唐籌撫馭下嫁到腥羶粉黛馴飢虎蛾眉伏

巨獒未收乘象胆已詡貢癸年湯沐請河曲詩書求  
 簡編惜哉狗所欲自爾復騷然伺隙甲兵後渝盟樽  
 俎前鯨吞逾冒頓虺毒過先零越宋仍牙帳其渠有  
 董擅割疆揮斧鉞賂誘賜緡錢羽檄雖無警輿圖半  
 棄捐元明因勢導僧梵竊機權迦葉膺王爵藩封啟  
 廟壘器儀頌內庫誥勅遣中涓富厚儼都護眞空姑  
 舍旃我朝方作觀彼眾隔山淵望氣知神聖歸誠  
 路萬千定期來貢使入覲待傳宣祇樹遙敷座明駝  
 緩著鞭偏單披鳳闕革履步花磚膜拜嵩呼異駝  
 依華祝鮮傳宗嘉達賴分化獎班禪寶笈金瓶插鴻  
 文玉冊鐫西恩眞異數荒服被無偏直北葛丹界  
 迤南陽布連房衝後戶麗水即前川中拓數圻地  
 三危別有天礪房衝後戶麗水即前川中拓數圻地  
 毳毳衣自聯羶羶妖祀熾咒詛土風沿雪酥酪手相漲  
 冰天不肯旋飛橋搖鐵索危渡簸皮船梯雪海阻番馬  
 繩行拋竹筴層層躡嶺坂藹藹布水濺濺大小招相別  
 縱橫展陌阡麋苗秋隱隱跋布水濺濺大小招相別  
 黃紅教各詮渾無生死法但有去來緣般若凌霄峻  
 浮屠射日圓雷聲轟鼓鉞井字列街廛乞食沙瓶鉢  
 搜山鹿野畝牛羊紛牧放茶茗細熬煎蠻技經營巧



賓婆織絳便花裙甯窈窕面亦嬋娟不信清笳隊  
 都教彩線纏瓢笙蘆管樂鳥鬼鴿王筵辛佈當曾挂  
 重環綴耳穿多情聚鹿奇葬付鵬鳶引袂雜男女  
 踏歌非醉顛有時搓碧扇隨意揀紅棉犬或御頭惡  
 雞胡象鼻卷祇光栽貝葉香燼龍涎閨日乘堯典  
 瞻星失斗躔地原章步外人在閨風顛剝落唐碑臥  
 婆娑古柳眠去華真絕遠殊俗若為湔準部昔爭據  
 廓首嘗篡挺橫刀摧緹殿縱火毀青蓮禦侮金剛散  
 驅魔佛力綿倉皇求大主悽切禱皇乾  
 功駿氛裏弓梢毒霧懸當衝排赤幟破險奪烏捷向  
 惹炎戈去隨河唱凱還靈幢重妥貼方丈載安全  
 日揮華使御府員拂廬增戍卒舍衛密關鍵護  
 以真無量如來不敢專噶隆遵約束商上待衡銓  
 法餘慈惠凶殘變愛憐永  
 悍開淨土長此住金仙  
 教僕姑紛紛名姓上麟圖他年  
 倘有詞人到能訪寒陵片石無馬若虛西藏雜詩四  
 首  
 戎余飽飫五侯鯖秃穎居囊中有時飛露布下馬筆

如風邇來藏直弦三語將母同老成漸徂謝噩夢醒  
 槐宮來此種毳鄉習靜證六空回首望蜀道羌首如  
 飄蓬何如典春衣斗酒醉平陸朝攜田間侶暮向茅  
 荒服俯仰庭下松礫柯多節目長嘯視浮雲無心手  
 簷宿不仰姓名傳亦免汚青竹暮春風日佳四山啼  
 翻覆憶我浣花溪柳眠已飛白時游丞相祠手摹青  
 蜀魄於今落蠻徽孰與數晨夕渴羌難用武樽酒比  
 銅柏但聞風怒號勢欲捲磐石閉戶送青春孤負遠  
 瓊液靈芝不為端鵬鳥不為災鵬翼振九萬藩鷄依  
 遊客窮達由天賦衛霍生與臺夢游華胥境爛醉康  
 蒿萊窮達由天賦衛霍生與臺夢游華胥境爛醉康  
 衢杯熙熙樂無涯醒獨支其頤足跡如大章恨未窮  
 九垓野馬不樂無涯醒獨支其頤足跡如大章恨未窮  
 孩無端作藝語釋悶非程材又西招春夜二首  
 地三危載上元凝冰連曲渚薄霧障蠻村繞屋鴉頻  
 啞迎風鵲亂翻最憐僧唱歌羣犬吠黃昏樹少平川  
 遠清臚任所之靈香燕蕭艾神跡寄楊枝語笑松筠  
 煩重譯衣冠有定時踏歌隨處起都是郢中兒松筠  
 宗喀詩  
 田禾越鞏塘拉重來宗喀地松筠濟隴詩來邊



境遐藩忱悃將欵酬檄遜睦要服守成章壹是  
皇恩致無須顯寸長忻茲秋省斂獲見禹餘糧時使  
民何怨即旋役免忙嘉  
禾正晚熟豈可誤登場

西招圖略後藏札什倫布至聶拉木路程

祇有方向未載里數與前

錄西域志衛藏圖識西藏誌諸書路程地名互異存以待考

札什倫布

西行

那爾湯

西北行

岡堅寺

北行

花寨子

折西

格登山峽

一西行由彭錯嶺折南過嘉湯至拉孜

為小拉孜

西南行

甲錯山

北行

多嘉

西行

羅羅

折南

脇噶爾

過河西行

密瑪

一作眉南行

定日汛

西南行

通拉山

正西

行巴都爾

又西行

達爾結嶺

西南行

帕嘉嶺

南行

聶拉木

由聶拉木南行經噶宜卡等處至錫巴寺為達廓爾喀陽布城之小路貿易人由此較濟隴路為近

定日在朋出藏布江之東通拉岡里山之西為聶拉

木絨轄濟隴薩喀等處入藏要路蓋後藏極西南四

通八達之藩籬門戶也乾隆五十七年大學士福康

安既定廓爾喀奏為扼要總路請添設營汛派委守

備把總外委各一員兵四十名番兵五百名以備巡

查防守焉其疆域東至羅羅塘二十里西行一站至

獨龍由獨龍分路東南歷押勒太極嶺凡五站至

聶拉木西南歷通拉山札林多絨轄凡五站亦至聶

拉木其自聶拉木東北行由噶宜卡帕嘉嶺東北逾

由達爾結嶺分途過嘉納山而西經伯孜而

合於撒喜再東則為拉錯海至疊古蘆矣



松筠密瑪塘詩

策馬過巖峽前之果瓊拉

松筠定日

閱操詩

太平操遠鎮緩帶勤兵韜心略臨機應陣行

勝嬰城逸待勞

仰攻氣用俯壓步宜牢鼓進金聲

止紫營地擇高劫

人防劫已崇令在崇號仁智定師

律勇嚴公貶褒出奇

自堂正主詭類皮毛矢慎私淑

古惟精克秉旄

一遭廟謨擴祥武士

稍生懈欽承巡

載靖長茲賡旅

氣羣雄豪閭闔千載

靖長茲賡旅

由拉孜分路至阿里路程

拉孜

西行過河僧格隆

札布桑堆

折南桑薩

列克隆

折西行恰木果

塘拉

上下山路折西北行瓊噶爾寺

宗喀

西行過河

至阿里由宗喀北行經達即拉山賈賈渡蘇木拉等處至薩喀再由薩喀西北行至鹽池產鹽甚多藏地及外夷皆食此阿里由阿里北行過拉鹽販運不絕於途達克部至如安

阿里噶爾渡部落在藏地之西與後藏札什倫布三

桑接壤考之前代疑為泥婆羅尼八刺國地唐書西

戎傳曰泥婆羅國在吐蕃西其王那陵提婆之父為

其叔父所篡那陵提婆逃難於外吐蕃因而納焉克

復其位其後王元策為天竺所掠泥婆羅發騎與吐

蕃共破天竺有功永徽二年其王尸利那連陀羅遣

使人貢明史西域傳曰尼八刺國在諸藏之西去中

國絕遠其王皆僧為之洪武十七年太祖命僧智光



齊璽書絲幣往并使其鄰境地湧塔國智光精釋典  
負才辯宣揚天子德意其王馬達納羅摩遣使隨入  
朝貢金塔佛經及名馬方物二十年達京師帝喜賜  
銀印玉圖書誥敕符驗及幡幢絲幣終太祖時數歲  
一貢成祖復命智光使其國永樂七年遣使來貢十  
一年命楊三保齎璽書銀幣賜其嗣王沙葛新的及  
地湧塔王可般十六年遣使來貢命中官鄧誠齎璽  
書錦綺紗羅往報之所經罕東靈藏必力工瓦烏斯  
藏皆有賜宣德二年又遣中官侯顯賜其王絨綿紵  
絲自後貢使不復至按今阿里地爲西藏之極西邊

鄙揆之史傳差爲相近向爲頗羅鼉長子朱爾瑪特  
策登駐防處稍西北乃納達克及谷古結塞地土納  
達克谷古結塞二姓皆新撫之地也其疆域東自藏  
界麻爾岳木嶺西至巴第和木布嶺二千一百餘里  
南自匝木薩喇嶺北至烏巴拉嶺一千三百餘里其  
蕃民帽高尺餘以錦與緞爲之帽緣不甚寬項綴緯  
蕃婦帽以珠下垂前後如旒密遮面頂間着圓領大  
袖衣繫褐裙見官長不除帽惟以右手指自額上念  
唵嘛吽者三

松筠拉錯海子詩

城淖清如碧一望琉璃明紅香布  
微惘哈達代帛呈復來宿舊野沙



湍聽新聲呼吸天地率無涸亦無盈

定日汎四達路程

定日汎行西北篤舉山口行又西莽噶布蔑莽噶布堆

洋阿拉山波絨巴行西南疊古蘆由定日至此計程二百五六十

里折伯孜行東北行經峩拉出達爾結嶺合聶拉木路北行

瓊噶爾寺折北行宗喀行折南滾達行西南察木卡南行卓

黨又南邦馨行西南濟隴里由瓊噶爾至此計程三百餘

為熱索橋過橋為包達木為協布魯為噶多為東覺

馬蝗為章站為雍雅為白菓木為堆補木過橋為仲康

朗古為巴勒布宗過橋為賈喀泥為腔孜岡為仲康

填為朗卡格密過河至廓爾喀陽布城昔福康安征廓夷由此路進兵

松筠莽噶布蔑詩沿山出汎隘初閱未經由小憩嘉

日晚風柔懸足羣松筠過洋阿拉山詩聞昔廓爾喀

羊聽應知無獵謀定和還惜未塞歸路楊揆自宗喀

網疏逸野犴巡邊知扼要特筆未容刪馬提戈不遑食

赴察木卽事詩崇山連延起齒峯路轉山迴駭難測

初行天際猶見星旋訝午日懸銅鉦有時深塹落窈

冥傾耳淅瀝松濤聲須臾斜照墮西嶺飲澗長虹黯

無影石梁盤空類修綆野火燒巖作虛警鶴鷄叫嘯

巖心然疑危坡下注忽千丈斷澗驚流不可期毛髮森

石角大如象巖下注忽千丈斷澗驚流不可期毛髮森

古蕭瑟無人烟連雞作隊猿臂牽度澗無術還升巔

手捫峭壁勢欹側杳烟蘿夜深黑仰攀舉步不盈

尺一墜百年那可流沙活石齊動搖著足無地能

堅牢前驅壯志慘不驕什伍伍空連鑣奔濤絕壑

尤沟沟俯聽如聞井泉漏悄然似悲倏然恐賁育能



不明星點稀盼曉何處鳴天雞星沉月落雲漸上山  
 氣森寒出叢莽灑空雨脚飛過類蓋頭無茅眩俯仰  
 平居豈識行路難僵立終夜衣裳單百苦交集力已  
 殫但冀脫險如生還長征萬里足憂抱展轉勞薪劇  
 潦倒微軀今夕幸相又過察木卡詩西荒山奇水亦  
 保畧喜朝光吐林杪來龍揚鬢水相應我疑石腹  
 飛迸不知一蛇潛伏兩白龍揚鬢水相應我疑石腹  
 皆如中空蛇不潛伏兩白龍揚鬢水相應我疑石腹  
 貫如長虹不潛伏兩白龍揚鬢水相應我疑石腹  
 猿猱駭走鶴愁激射寒光未容傍紫流洗層嶂  
 分裊裊還挾山頭雲巨雁岩豈足道直是銀河屈  
 注來高昃想當大塊通呼吸無數幽巖鬼神泣縱有  
 天風捲不迴方知海真能立餘波到地猶不平繞  
 山百匝聲洽洽三更月出倘相照恍聞廣樂空中鳴  
**楊揆脇布魯山詩**前軍斫賊宵遁三日燒巖尚餘  
 堅陣山腰列柵抵作城巨礮轟制如奔霆危坡犖角  
 無寸土遺斷斷豁交相撐沸泉出竇氣蒸燠炙手駭  
 同炊甑熟投鞭已潰丸泥封飲馬還防上流毒提戈  
 戰勝將士歡營門鼓角催傳餐書生佩劍膽亦壯然

烽照夜楊揆東覺山詩奇峯出雲復入雲招邀欲逐  
 知平安楊揆東覺山詩奇峯出雲復入雲招邀欲逐  
 視如畫重累人承之以肩挽以手不用銜枚齊嘖口  
 更無石磴容少休偶撫枯松濛濛復飛雨斜日偏明雨  
 星天近或者星長明半崖濛濛復飛雨斜日偏明雨  
 飛處陰晴晝夜變幻奇恍惚四顧心然疑饑鷹瞭翅  
 去矯矯野鹿戴角來鬻鬻紅土花滿地少行迹千尺藤  
 蘿縈絕壁上頭旌旆乍飄紅遠處衣裳惟見白扶搖  
 似覺生羽翰足底萬疊青巔屹天楊揆螞蝗山詩深  
 梯休快到頂易試問幾時還著地楊揆螞蝗山詩深  
 虎豹藪水深蛟蜃居由來山澤間毒厲所蓄潏中行  
 歷萬山茲更盤紆危磴苦曲折烟瀧交縈敷中途  
 風雨來跬步皆崎嶇夜半憩山麓積瀧成沮洳有蟲  
 曰水蛭徧地來徐徐濕生兼化生聚族而相於宛宛  
 如緣足噴噴旋來徐徐濕生兼化生聚族而相於宛宛  
 擬蜥蜴游行同螂蛆體類夔若踟躕尾學蠶卷舒潛伏  
 形齷齪憎爾行趨壯士按劍怒不能斫爾驅虞人  
 烈澤焚不能斫爾徒踐爾使糜爛得水還蠕蠕虞人  
 偶下咽臍不能斫爾徒踐爾使糜爛得水還蠕蠕虞人  
 鼻舌身所到皆覲覲誰為蛙黽禁急共螟蝗除尤善







札什倫布 西行 那爾湯 過河 那爾 西南 仁津孜 西行

塔克 西南 拉固隆固 九山九溝 喀木巴拉山 西行 念

孜 南行 多布札 西南 魯瓊拉 西南 定結 此由那爾湯至

又東三站至帕克哩 定結東行一站至干渠

札什倫布 東行過橋 白朗 南行 江孜 過河 堆瓊 折

薩木嶺巴 南行 金谷爾拉 折西 達湯 西行 達湯拉

山 西南 瑪爾局 西行 卓巴湯泉 西南 錯莫志 又西 定

結 由江孜至定結凡六日 定結外正南有宗木小

所謂南界有水城無庸 庸成多兵者此也

札什倫布 西行 那爾湯 折北 岡堅寺 折南 朗拉山 堆

鄂博六十有 察隴 又西 曲多江鞏 又西 阿尼鞏 折南

阿中拉山 西行 薩迦廟

以上後藏札什倫布至各處路程諸書皆無惟西

招圖畧具有圖說未載里數而聶拉木一路地名

互異遵照撰此以備考證

由後藏帕克哩至珠拉巴里程路 光緒十一年藏使熬

示云係崙弁前往探明之路附錄待考 茶回至成都出此見

帕克哩順河南行六十里至噶林噶有四十餘家煙

戶樹林極多山路亂石崎嶇又十五里至哲孟雄部

王過冬之府有番人十餘家又南行十五里至仁青



崗路甚平坦旁多樹木又順河南行由西上坡有大松林內有往來人住宿窩鋪上嶺十五里下坡又十五里地名郭布有過往住宿土房一所又十五里平路再從小山走五里又上山頂計程一百二十餘里英人已將大路修至此處寬一丈五尺下坡二十里至那塘有往來人住宿房子一所旁有黑帳房六七家又下坡一里從山脊背上走十五里到山頂上有一鄂博向西望去卽是印度北邊一帶平坦又下坡二十里有竹笆房子又下坡三十里有河一道過木橋行里許有四五家烟戶又下坡三里有小河一道

過木橋上坡二十里到山頂下坡十里到曲河站有七八家人烟均住竹房再下坡二里有大河一道過木橋十里地名多里占有五六家人再上黑山頂五里又下坡二十里有人戶二十餘家又下坡十五里到一大河過木橋上坡二十里到洋人公所有洋官一員並暹事一人過往貿易人貨物均過秤不抽釐金公所之旁有四五家人附近又有四五十家人自山腰向西行五十里至噶連魯有洋官衙門洋商舖面又有印度商人二三十家又徧山均有人家居住又下坡二十里裡尼去卡有大河河水夏天多毒有



鐵索橋寬大如瀘定橋洋人有官守橋鋪面五六家約有四五十人又上坡十五里有茶樹茶店居人五百餘家現蓋之家無數又從山腰行五十里地名宗木拉棒喀住英印雜人有五六百家番民亦有三四百家洋官衙門一座此處有三道一向東通西藏一向南通噶里噶達一向西通解林其適中之地有山一座名珠拉巴里洋人屯兵五百名於其上下坡一二里與多解嶺相連多解嶺洋人住有五六百家商人鋪面亦有五六百家修蓋房屋木匠廣東人有二百餘名番子木匠亦有百餘人多解嶺東邊有哲孟

雄人五六百家有番官一員並有電線英人修有鐵路寬一丈五尺多解嶺到噶里噶達步行約須三月路程由火輪車每日十一點鐘起身次日十一點鐘

即到

此段應歸入諸路程站之列因現在防務吃緊正在此路特錄以備籌邊者之首採焉



西藏圖考卷之四

楚南黃沛翹壽菩甫手輯

滇南李培榮華廷甫付梓

楚南陳兼善元卿甫同校

諸路程站附考

百打箭鑪由霍爾德革草地至察木多路程

打箭鑪五十里至折多山根 五十里過折多山至

提茹一作別始分路 七十里至亞竹卡 四十里至郎砦

堡 四十里至八桑砦 五十里至上八義路分 六

十里至噶達 五十里至汎馬塘 三十里至雀雅



五十里過山至喇地塘 六十里至孜隆 七十  
 里至甲撒楮卡 五十里至吉如楮卡 三十里過  
 小山至霍耳章谷 五十里下山至江濱塘 五十  
 里至竹窩 三十五里過山至勒恭松多 二十里  
 過普玉隆至甘孜 三十里過河至白利 五十里  
 至隆壩揆 四十里至阿甲拉洛 六十里至益隆  
 四十里至迭格界 即德爾格武  
又名七登 六十里至羅登  
 六十里至吉馬塘 五十里至林葱 一作  
格葱 六十  
 里至楮泥拉沱 五十里至春耕西河 一作春  
科西河 四  
 十里上山至班的楮卡 三十里下山至巴絨 六

十里至甲界 七十里至羌黨 一作  
姜黨 六十里至草  
 拉 三十里至草里工 三十里過漫山至峽隆塔  
 五十里至哈甲 三十里至哈甲峽口 三十里  
 至冲撒得 六十里過山至熱了 四十里過山至  
 察木多

共計程一千八百八十五里 藏誌作三十九站共  
計程一千七百七十

五里此路番民多住黑帳  
房以牧畜為生微有烟瘴

**百察木多由類伍齊草地進藏路程**

察木多四十里至俄洛橋 此係分  
路之處 六十里至杓多  
 四十里至康平多 五十里至類烏齊 五十里



至達塘 八十里至架喇族 一百里至江清松多  
 八十里至三岡松多 八十里過小山四座至塞  
 耳松多 六十里至拉咱 五十里至吉樂塘 七  
 十里至察隆松多即春奔色擦 七十里至江黨橋 五  
 十里至拉貢洞 六十里至汪族 八十里至吉樹  
 邊卡 五十里至大偏關 八十里至噶咱塘 七  
 十里至噶現多 七十里至拉里堡從右手進山溝 六十  
 里至拉里界 七十里過山至吉克卡 七十里至  
 沙加勒 七十里至吉華郎一作積華郎 七十里至哈  
 噶錯卡 六十里至胖樹 六十里至仲納三巴

六十里至納定同古 七十里至墨竹工卡合進藏路

共計程一千八百八十里藏誌作二十九站共計程一千九百十里

〔百前藏由捷魯分路至後藏路程〕

捷魯二十里此處分路一由江孜至後藏一由然巴至後藏 至然巴 五十

里此處自前藏至後藏為適中之地 至甲馬卡 四十五里至阿彌

二十里至仁蚌宗 四十里至窟隆朗西 五十

里至年木哈達 六十里至冲壩卡 四十五里至

冰蝦嗎 四十五里至拉古 四十五里至後藏

共計程四百二十里

〔百後藏由乃黨分路至聶拉木路程〕



札什倫布四十里至乃黨 三十里至甲日 四十  
 里至擦雄 五十里至得慶宰 三十里至霞噶爾  
 三十里至擦籠遺卡 三十里至札什岡 四十  
 里至色足 八十里至薩迦 五十里至堡宗 五  
 十里至馬甲 四十里至春墩 五十里至宜喜爾  
 六十里至長鎖 四十里至村阿 四十里至吉  
 雄 一百十里至脇噶 四十里至按把 四十里  
 至定日 七十里至獨龍 四十里至押勒 三十  
 里至太吉嶺 四十里至宗城 五十里至聶拉木  
 共計程一千一百二十里

〔自後藏由咱黨至前藏路程〕

札什倫布四十里至落窺 一百里至色木多 一  
 百二十里至年木胡打 九十里至能木宗 八十  
 里至沙楮卡 七十里至咱黨 七十里至白地  
 九十里至岡把擇 五十里至曲水 五十里至僵  
 里 八十里至登龍岡 四十里至拉撒詔  
 共計程八百八十里

〔自松潘出黃勝關至藏路程〕

黃勝關六十里至兩河口 路分 八十里至出阜 七  
 十里至甲望麻望 即甲 五十里至殺鹿堂 即撒

可成圖考卷之四 諸路程站附考



六十里至八嗎 六十里至江地克里麻即勒 八  
 十里至龍溪頭 七十里至吾浪莽 八十里至宗  
 喀爾 七十里至插漢托灰 七十里至殺那吾舊  
 六十里至七氣哈賴 七十里過大雪山至安定  
 達壩 七十里至途龍兔老 五十里至塔奔托洛  
 海 六十里至丹仲營 六十里至下牒倫頓 八  
 十里至中牒倫頓 八十里過大雪山至上牒倫頓  
 七十里至吾浪牒倫 二百四十里自吾浪牒倫分作四站每  
站六至古爾分索羅木即黃河合西甯進藏之大路  
 共計程一千五百九十里

自前藏由羊八井至噶爾藏骨岔路程羊八井一作陽巴井

前藏五站共程二百里至羊八井分路按前藏由羊八井草地至札

什倫布其程較江孜然巴尤近里數未詳 四十里至夾布 七十里至

桑駝洛海 五十里至楮定馬奔 四十里至桑吉

馬丁 五十里至喇定初多 五十里至騰格那爾

界大海子邊 五十里至郎錯又名族隆角 六十里過大山

山頂有海至過中 八十里過二山至章錯有海 四

十五里至海子頭 六十里至捉得爾 五十里至

邦塘 五十里至巴業丫 七十里至凍錯 七十

里至噶爾藏骨岔即胡



共計程一千零三十五里

百西甯出口至前藏路程

諸書同

西甯出口一百六十里至阿什漢 七十里至哈爾  
 噶兒 六十里至夥兒 七十里至柴吉口 六十  
 里至苦苦庫兒 六十里至滾厄爾吉 五十里  
 至依麻兒 六十里至朔羅口 五十里至朔羅達  
 巴 六十里至希拉哈布 七十里至得倫腦兒  
 五十里至苦苦庫圖兒 六十里至阿拉克沙兒  
 六十里至必流兔 六十里至河牙庫兒 七十  
 里至黃河渡 六十里至納木噶 六十里至和多

都 五十里至氣兒撒托洛流 六十里至和牙拉  
 庫兒查都 七十里至白兒七兒 六十里至喇  
 嘛托洛海 五十里至巴彥哈拉那都 六十里至  
 沙石隆 五十里至衣克阿立各 七十里至鄂蘭  
 厄爾吉 六十里至苦苦賽渡 六十里至木魯烏  
 素 五十里至查漢厄爾吉 六十里至忒們苦住  
 七十里至白兒七兔 五十里至土乎魯托洛海  
 六十里至東布勒兔口 六十里至東布勒兔達  
 巴那都 五十里至東布勒達巴查都 六十里至  
 乎蘭果兒 五十里至得爾哈達 六十里至順達



五十里至多洛巴兔兒係川甘交界處 大兵進藏甘省安設臺站應付止

此 五十五里至布哈賽勒 五十五里至哈拉河

洛 四十五里至呵木達河 四十五里至因達木

四十五里至吉利布喇克 七十五里至依克諾

木漢烏巴什 五十五里至索克東邊 七十里至

巴木漢 五十五里至泡河老 七十里至沙克因

果爾 四十五里至蒙咱 四十五里至蒙古西里

克 七十里至綽諾果爾 九十里至楚木拉 五

十五里至求郭隆 五十五里至哈拉烏蘇 七十

里至噶欠 七十里至什保諾爾 七十里至克屯

西里克 九十里至達木 七十里至羊拉 七十

里至夾藏壩 四十五里至達隆 五十里至沙拉

七十里至甘定郡科爾 九十里至都們 五十

五里至郎拉 四十五里至前藏

共計程四千一百二十里

〔西招圖畧由前藏至西甯路程〕

前藏 薩木多嶺 嘉里察木 嘉冲 倫珠宗

沙連多過察拉山至此 彭多過達隆山至此 六站隸前藏 拉康

洞 錯羅鼎 那隆噶爾瑪過卓孜山至此 仲喇庫以上

隸噶微胡 固瓦褚察過朗里山至此 札木褚卡過玉克



此 鄂多布拉克 哈喇烏蘇有營 巴魯過察

錯瑪喇河過托納 察倉以上七站隸 褚那干過

倉山 蘇木多過嘉本鄂 香廸過沙克

至此 蘇木多羅山至此 札噶爾布以上五站隸百長碧烏朗噶

長貢楚克那木結係 西藏夷情部郎專轄 札噶爾布以上五站隸百長碧烏朗噶

拉 索克褚卡 當拉 爾係西藏夷情部郎專轄 尼谷

畢巴魯魚 鼎谷瑪哩 巴噶安達木 伊克安

達木以上四站係西甯屬之 多倫巴圖爾 彌多

三音庫本 棟潤 那木溪 察倉蘇木多以上六站

係西甯屬之番目 畢哩魯瓦遊牧 科科薩哩 直揆多 褚那干

過支褚七道河至此 又名哈沌果勒 褚瑪爾 列布拉崗 斯烏蘇

木多 格巴温布 喇嘛隆 巴彥哈喇以上九站

之玉舒本 番日游牧 噶嘎 喇嘛托隆谷 噶達蘇赤老黃

源見此 一帶 噶爾瑪湯以上四站係西甯屬之 喇嘛

綽克綽 錯尼巴爾 拉尼巴爾 札克達昌 瑪

爾褚札木 哩布走都克湯平甸地多毒草行 沙

巴爾圖 格巴噶中以上八站原屬 特們庫珠青

海交界有 蒙古卡防 瑪爾津拉尼 都壘淖爾 阿哩湯泉

索噶拉崗 德爾敦 康昂拉過雅瑪圖河至此

海札薩克珠勒 瑪札布游牧 沙拉圖過衮額爾吉河至 珠爾

朗章噶隸濟克默 彥達圖 哈陶拉 察罕鄂博



過哈陶山至此 以上五站 內後三站係成壘貝勒游牧 霍約爾托羅該 霍

爾褚 日雅拉山 以上三站係根敦公游牧 尼雅木溪 隸棟科爾胡土

圖克棟科爾 即丹噶爾至此已入內地

以上共計七十五站約五千餘里如遇雨水過大

之際可自香廸岔路走當拉鞏山宿格瑪二十一

站至褚那干仍歸正路

香廸 格瑪爾 經當鞏拉山是謂上路 那木溪 綿楚卡

拉咱 以上五站隸阿札族噶爾札布桑係西藏夷情部郎專轄 當楚卡 過當拉山至此

拉宰噶哩 崗喇褚噻 志褚 又名哈沌果勒 哩波 過魯

布喇布 察褚卡 彌多 札那鞏 蠟布哩野

渡口

棟闊 過坦壩尼拉山至此 多爾 離瑪爾褚東岸吉里嘉木

那 色谷闊邁 濟雄 自當褚卡至此寥無人居 褚那干

以上前藏至西甯路程惟西招圖畧卷後附錄與西域志衛藏圖識西藏誌諸書不同錄此參考

〔自前藏出防騰格那爾路程〕

前藏三十里至夾普 四十里至浪子 四十里至

奔里 四十里至德慶 五十里至楊八景 四十

里至卡子 四十里至乾海子 四十里至桑駝谷

海 五十里至楮登立馬爾 即騰格那爾 四十里至那

根初多 每年出防先鋒下營處

自前藏至那根初多 即騰格那爾口 計十站共程四百一



十里

自前藏出防玉樹卡倫路程

藏之東北

前藏三十里至噶拉壩 三十里至彭多 三十里

至墨隆堡 三十里至節仲 三十里至松竹宗

三十里至勒敢多 三十里至朋多 三十里至俊

門 七十里至納的 八十里至八不弄 三十里

至桑多 八十里至江尼卡 九十里至哈拉烏素

三十里至色爾龍 六十里至噶色卡 六十里

至江古郎 四十里至溫江松多 八十里至奪塞

爾 五十里至格瑪爾卡 五十里至湯清 八十

里至江清八納卡 四十里至曾項讓 五十里至

納喜塘 九十里至春科塘 四十里至甲里剛多

四十里至先布松多 六十里至東布松多 六

十里至興東 一百里至必洛腮 六十里至擦桑

納 六十里至曲尺松多 七十里至晒多坡 一

百二十里至噶順 五十里至噶壘 八十里至魁

清 一百里至納馬蠻地 一百十里至江溝八納

巴 一百里至玉樹

自前藏至玉樹三十八站共計程二千二百七十

里分小卡四處 庫二塞 白兔山 齊岔河



瀘右腦此四處逐日分兵探哨

〔自前藏出防納克產卡崙路程〕

前藏三十里至夾普 四十里至浪子 六十里至

拉哨爾 五十里至粗布以上人戶 七十里過大雪山

至阿里有柴草無人戶 八十里至甲仲 七十里至泥木

根舉 六十里至族貢 七十里至八角以上有人戶柴草微

五十里至大雪山根 九十里至臨卡宗 五十

里至蘭卡以上無人戶柴草 八十里至熱黨有人戶柴草 六

十里至甲蜡人戶有柴草微 六十里至墊登 四十里至

魚骨柏二處人戶有柴草微 一百二十里至噶拉 五十里

至賀洛 七十里至插蕩粗固 七十里至日鐙

九十里至木慶 八十里至德木壩以上人戶柴草水俱無

八十里至按列 五十里至納克二處人戶有柴草微

自前藏至納克產二十四站共計程一千五百七

十里沿途俱有瘴氣又自納克產分小卡四處

特布托洛海離納克產十四日約程五百餘里其

地甚冷瘴氣甚 拉克擦離特布托洛海七日約

程三百餘里其地草微無柴有瘴 庫克擦離納

克產十三日約程五百餘里有柴草水俱微有瘴

此三處俱派兵防哨 札克欽離庫克擦八日約程四百餘



里其地柴草水俱無每月派兵探查一次

自前藏出防奔卡立馬爾路程

前藏三十里至克噶拉俱 五十里至蒙至 四十里至又立場末 四十里至傑虫 六十里至拉末 八十里至烹多 三十里至熱正 五十里至擦木桑 四十里至八達 七十里至揆娘庫 三十里至三壩 七十里至奪洛得巴 七十里至哈拉烏素 六十里至胖米麻 八十里至阿木多 六十里至投順納哇 五十里至厦木响熱麻 五十里至圖爾君 七十里至熱麻拉撒 八十里至巴

思拉木期 八十里至白果東馬 六十里至布呼

江 七十里至遮隆 八十里至楚隆 六十里至

彭卡 五十里至奔卡立馬爾

自前藏至奔卡立馬爾二十六站共計程一千五

百一十里自奔卡立馬爾分設小卡五處 噶爾

藏骨岔 托克托賴 立拉撒 必隆奔卡 立

馬口子

自前藏出防生根物角路程

藏之正北

前藏十站共計程四百十里至騰格那爾 七十里

過大山至哈隆 三十里至雀雅 六十里過山至錯



隆角 二十里至欺馬多隆此處供換烏拉 五十里過山

至大海子 四十里至白納辛 六十里過山至白噶

哈力水 七十里至吉都烈路 六十里至拉卡爾

工多 五十里過山至八拉 四十里過山至查木哈

六十里過山至郎卡 九十里過河至大鹽池 三

十里過山至卡爾哈 四十里至西干工布 五十里

過山至哈干布 五十里過山至達干峩所 四十里

至恩達喀 六十里過山至星于哈岡 八十里過山

至色爾松多 五十里過山至生根物角

自前藏至生根物角三十一站共計程一千五百

一十里沿途處處有烟瘴無柴燒糞水草俱微

自前藏至布魯克巴路程

前藏七十里至業黨 六十里至札什彩 八十里

至巴子以上三處有人戶 一百里至白地有人戶

微草 七十里至浪噶子有人戶 一百十里

至勒隆少有人戶 七十里至列隆有人戶 六十里至噶拉有人

五十里至殺馬達有人戶 六十里至噶拉有人

戶田畝有 五十里至遐拉有人戶 六十里至

帕爾微有人戶 五十里至遐拉有人戶 六十里至

四十里山過至香郎有人戶 六十里至



帕爾過山即  
產各種竹木

七十里至仁進步

三十里至東噶

拉二處俱  
同香郎

四十里至喇嘛隆

俱有大寺院餘

五十

里至西木多

有人戶柴草大寺院內住大喇嘛  
吉賽吉書即諾彥林親之兄弟

三

十里至札什曲宗

有人戶柴草大寺院  
乃諾彥林親避暑處

自前藏至札什曲宗十七站共計程一千零四十

里再行二日地名坪湯即諾彥林親住處惟西木

多札什曲宗夏日稍涼故至此處避暑其地方產

稻穀麥豆黍稷各種瓜菓蔬菜鵝鴨雞豬等類仿

於中國

自巴塘經雲南中甸廳至麗江府路程

此間有兩道一由巴塘西行至竹巴籠過河九站至  
 阿墩子又十站至雲南屬之維西廳皆行金沙江之  
 外一由巴塘南行經六玉奏堆至雲南屬之中甸廳  
 皆行金沙江之內較近數站顧荒僻壤人跡罕到  
 必須裹乾糧負毳幕野棲露宿兼之野番夾壩出沒  
 無常光緒四年江西貢生黃琳材奉川督檄游歷印  
 度行抵巴塘前途番民疑阻不能進因改道  
 中甸而行巴塘土司率兵役古操護送焉  
 巴塘三十里小巴冲宿次日向正林口上大雪山昏暮  
 約計程七十餘里一路並無水草無可駐足處次日  
 順溝下坡過老林轉東南過二板橋左一溪水自邦  
 父木來會計東拉多宿有礪房六七座次日沿溪南  
 行五十里東拉多下天氣較暖一路間有居民行  
 六十里竹挖根紅教寺宿寺有喇嘛三百餘名喜經堂  
 里六玉宿此處天氣和暖地土膏腴與巴塘相似附  
 至此折向西南入金沙江別有小溝自南來會左往  
 阿墩子入站前德絨四站右循小溝而進為中甸



路次日行三十里一路  
 碣房俱然烟以示敬  
 又下坡入松林轉東南  
 順溝而下共計程百里  
 行路多偏仄至喀沙出溝  
 會水勢洶湧數里過板橋  
 橋轉西岸共喀拱宿有碣  
 計程九十里順南行邦多  
 麥宿次四里順南行邦多  
 三十里至工拍喜有碣房  
 宿因天色尚早又行三十  
 外自奏堆以來鳥道巖巖  
 緣厓而下過拉楮河蓋裏  
 至此與巴達隆河相會過  
 上陡坡地名夾渚有蠻民  
 日順河南行上下坡四過  
 拉遂登石厓半係偏橋過  
 至此俱折而東向矣江之  
 臨之間峭壁千仞下臨金  
 沙江是日計行六十餘里

阿鹿宮 宿次日順江東南  
 把總一員西距阿墩子三  
 僅蠻民一家而已為巴塘  
 土照壁 宿次日順江東南  
 此水從東北來深廣不亞  
 此向正東而行不見金沙  
 宿有居民數十戶有二溪  
 金沙江次日向正東行上  
 行二泥溪 宿地勢開敞居  
 十里泥溪 宿地勢開敞居  
 內地景象從此地勢平坦  
 海子寬廣數十里是日共  
 至中甸行十八日約計一  
 轄幅員三百餘里夷民言  
 二教城外有八十里刺麻  
 旬起身行八十里一路平  
 三十餘里始天明又十里  
 六十里尤陡而險共計程  
 諸路程站附考



中甸分路過吉沙至此相格六灣宿次日順金沙江  
 合較遠三十里路稍寬平向東南行天氣和  
 暖地土沃衍為產米梧竹順江東南行六十里江水  
 之區其行九十里冷渡水宿次日東向少南  
 瀦洄岡巒秀潤瓦屋村莊宿次日東向少南  
 連續不斷頗是江南風景宿次日東向少南  
 渡阿喜汎宿為麗江縣境次日廣數十里又過兩坡  
 江歷一大壩計麗江府宿自中甸至此行六日約計四  
 程約七十里有大雪山南詔蒙氏借封為北嶽今寺  
 詔之一城外有大雪山南詔蒙氏借封為北嶽今寺  
 院猶存明洪武時宣撫司副使阿得率眾歸附賜姓木授為土知府子孫承襲  
 木授為土知府子孫承襲凡九種曰麼些獐獐獐  
 歸流降為土通判境內夷民凡九種曰麼些獐獐獐  
 裸古猿西番巴苴刺毛又有凡九種曰麼些獐獐獐  
 狻夷怒夷居於瀾滄江外凡九種曰麼些獐獐獐



